

IV CONCURSO DE FOTOGRAFÍA DAS RESERVAS DA BIOSFERA TERRAS DO MIÑO E OS ANCARES LUCENSES.

Desde a Deputación de Lugo organizamos este Concurso de Fotografía, que terá como fío condutor este ano 2017 “HARMONÍA PERSOAS E NATUREZA”, segundo as seguintes

BASES

PRIMEIRA

Poderán optar ao premio todas as persoas maiores de idade que estean interesadas, con obras que non foran premiadas con anterioridade.

SEGUNDA

As fotografías presentadas, realizaranse no territorio das Reserva da Biosfera Terras do Miño e Os Ancares Lucenses e Montes de Navia, Cervantes e Becerreá, tendo como temática “HARMONÍA PERSOAS E NATUREZA”, neste particular cómpre aclarar a que se refire este título, pretendese que nas instantáneas se amosen oficios tradicionais que se atopan integrados na natureza, infraestruturas ou patrimonio material, inmaterial e etnográfico que están en harmonía coa natureza.

TERCEIRA

Establécense 3 premios en metálico do seguinte xeito

1º premio: 800 Euros.

2º premio: 500 Euros.

3º premio: 300 Euros.

Os criterios a valorar serán: Composición, Orixinalidade e Calidade estética da imaxe.

Tendo en conta que a valoración numérica sobre 10 de ditos criterios é a seguinte:

Composición: 3

Orixinalidade: 4

Calidade estética: 3

CUARTA

Poderase presentar unha fotografía por autor/a.

A obra para concurso será presentada sen montar, sen enmarcar e sen passe-partout, poderá ser realizada en branco e negro ou en cor. A fotografía terase que presentar do seguinte xeito:

Entregarase un CD-ROM coa imaxe en formato TIFF, modo de cor RGB. O arquivo terá un tamaño mínimo de 15 Mb. No mesmo CD-ROM deberá existir unha copia da fotografía cun tamaño aproximado de 1,2 Mb comprimidas co formato JPEG (.jpg) en modo de cor RGB.

Será necesario acompañar unha copia da fotografía en papel fotográfico en brillo cun tamaño de 24 x 30 cm.

A fotografía deberá levar no dorso o título ou lema, e acompañarase dun sobre pechado que inclúa o nome e apelidos do autor/a, data de nacemento, enderezo, teléfono, correo electrónico, título da obra e lugar onde se realizaron. O devandito sobre levará no exterior o título ou lema da fotografía presentada.

O autor deberá cumprimentar a declaración responsable anexa a las bases, na que se recolla expresamente que este é autor do traballo presentado e que o mesmo é inédito e consentimento expreso para que á Excm. Deputación provincial de Lugo poida publicar e expor o traballo presentado.

QUINTA

O concurso será publicitado mediante a páxina web da Deputación Provincial, onde se atopará toda a información para a participación no concurso, bases e documentos necesarios.

O prazo de presentación de fotografías será de 15 días hábiles a contar dende o día seguinte á publicación no B.O.P. de Lugo do extracto da convocatoria.

As fotografías deberanse presentar no Rexistro Xeral da Deputación Provincial de Lugo, Rúa San Marcos, 8, C.P. 27001, Lugo, indicando no sobre “CONCURSO DE FOTOGRAFÍA DAS RESERVAS DA BIOSFERA TERRAS DO MIÑO E OS ANCARES LUCENSES”.

SEXTA

O xurado estará formado polo Presidente da Deputación Provincial de Lugo, ou persoa en quen delegue, un técnico do Servizo de Medio Ambiente, un técnico da Fundación TIC, e un técnico do órgano xestor das Reservas da Biosfera.

O concurso non poderá declararse deserto, excepto no caso de que non se presenten candidatos ou os presentados non reúnan os requisitos esixidos nas bases reitoras da convocatoria.

A decisión do xurado será dada a coñecer directamente ós premiados e farase pública no mes de decembro de 2017.

SÉTIMA

As fotografías presentadas a concurso deberán ser inéditas e realizadas polo participante. Este será o único titular dos dereitos de autor delas fronte a terceiras persoas. Ademais, os concursantes responsabilizaranse dos consentimentos e permisos necesarios para usar as imaxes obtidas.

Os autores das obras premiadas cederán a favor da Deputación Provincial de Lugo todos os dereitos patrimoniais destas, en especial os dereitos de exposición, publicación e calquera outros relacionados coa difusión, citando sempre o nome do autor. Estes dereitos estenderanse a un período total de trinta anos.

O pago destes dereitos entenderase comprendido na dotación económica dos premios do certame.

Os autores poderán empregar os traballos premiados co consentimento da Deputación Provincial de Lugo.

A Deputación Provincial de Lugo poderá publicar ou expor os traballos premiados e non premiados que se consideren de calidade, tanto fisicamente como on-line.

En ningún caso se devolverán as fotografías aos participantes no concurso.

OITAVA

A participación neste concurso supón a aceptación íntegra e expresa destas bases.